

欽定石渠寶笈續編

欽定石渠寶笈續編

第六十二

淳化軒藏一

皇上御筆書畫一

御筆執中成憲序一卷

〔本幅〕蠟牋本。縱五寸一分。橫八尺一寸九分。
行書。

執中成憲序。惟我

皇考。法天行健。一日萬幾。宵旰不遑。猶以其間。

簡命儒臣採錄經史子集所載自古帝王元德顯功
訐謨大訓以及名臣奏章先儒語類深切治道
者次第進呈。

皇考親為刪定。命曰執中成憲。始于雍正六年仲春。
成於十三年仲夏。未及刊布。而我

皇考遽遘棄臣民。予小子向雖承

訓示一二節。全篇則未之見也。嗣統後。每以幾暇。始
發而讀之。既卒業。然後知

聖心聖學實與堯舜孔子同揆而汲汲於茲則

以啓迪後人貽垂標準也問嘗思夫

因見仲尼祖述堯舜之實義焉其所謂明德者

即虞書所謂道心也所謂明明德者懼其為人

心所蔽也所謂格物致知者嚴辨人心道心之

界以盡萬事萬物之理即書所謂惟精也所謂

正心誠意者力祛人心之雜以致道心之純即

書所謂惟一也所謂修身齊家治國平天下而

止於至善者。即書所謂允執厥中也。然極乎執中之量。則惟堯舜為無歉。而中之散見於萬事萬物者。則不惟三代聖王。即秦漢以後仁厚英哲之君。下及中主。亦必有一事二事之合焉。不獨皋夔益契伊傅周召孔曾思孟。即近代羣儒文士。亦必有一話一言之合焉。故中庸曰。舜好問而好察通言。執其兩端。用其中于民。蓋中之理。無事無物而不具。亦無人而不知。是即明德

之根於性而不息者。而惟舜能察之。惟舜能執之。惟舜能用之。故善與人同。合德于天地。我皇考編定是書。自二帝三王之事。古聖賢之言。下逮羣儒文士之可節取者。兼收而不遺。用是道也。皇考之治天下。無一事不審其則。無一物能匿其情。即書所謂惟精。大學所謂物格而知至。無一時之不敬。無一念之不誠。即書所謂惟一。大學所謂心正而意識。故凡施於政教者。或予或奪。或

寬或嚴。或抑揚遲速之稍有不同。而無不立乎
大中。可為民極。即書所謂執中。大學所謂身修
家齊國治天下平。而明德新民皆止於至善也。
而所以立綱陳紀。更化善治。其大者皆斷自
聖心。而細者亦博採於衆議。有其人不能皆入於善。
而一言之中。必不廢焉。即中庸所謂好問好察
執兩用中也。然我

皇考聰明睿智。夙具於

聖性。而養成於

聖學者已數十年。故

皇考之惟精。乃不思而得。

皇考之惟一。乃不勉而中。

皇考之執中而化成天下。乃從容中道無為而成。豈復有資於是書。所以


親為刪定者。正恐在後之侗。懵然無見於執中立極之道。爰示之以成憲也。豈惟予小子奉以終身。

惟日兢兢無敢踰越哉。世世子孫苟能服膺勿失。而溯其淵源。則于堯舜孔子之道。一以貫之矣。豈惟君人者舍是無以建其有極。以消天下之偏陂反側哉。凡百有位。果能是訓是行。則上之可輔理成化。以著勲猷。而下亦可以謹身而寡過。於以謨明弼諧。共臻喜起明良之盛。無難矣。乾隆丙辰三月望日。御筆。鈐寶二。乾隆。

引首

御筆式古傳心。鈐寶一。乾隆御筆。

鑑藏寶璽。長春園寶。淳化軒寶。石渠寶笈所藏。



御筆日知薈說序 一冊

本幅灑金牋本。六幅。縱五寸六分。橫七寸。行書。

日知薈說序。日知薈說者。取予嚮日日課所為文。刪擇編次。合而錄之。爰定之以名也。予稟承

庭訓。懋學書齋。留連往復於六經四子之書。求其義蘊精微。旁搜諸史通鑑。考定得失。區明法戒。以

至儒先緒論。詞苑菁華。莫不遍覽。雖究心探索。
饜飫其中。然考之古聖賢躬行實踐之學。蓋慝
焉而未逮。自十有四歲學屬文。至於今又一紀
矣。其間日課詩論雜文。未嘗少輟。積成卷帙。玆
瑜各半。踐阼以來。萬幾待理。豈復得如曩時專
志篤學。日與良師友敬業樂羣於翰墨之場哉。
紬繹舊聞。念茲弗釋。因取其精。去其疵。錄其正。
棄其偏。合二百六十則。釐為四卷。而舉凡道德

性命之旨。學問政治之要。經傳之淵源。古今之
事迹。莫不畧見梗槩。夫日知之說。出自子夏。繼
以無忘所能。必所知者日新不失。而廣續以極
於高明。乃為學問竅要。若予嚮日所得。尚非空
言而無濟實用。則今班朝莅政之間。豈不足自
考其知行合一與否。以發抒聞見。遜敏敦脩乎。
乾隆丙辰中秋日。御筆。鈐寶三。澂觀。乾隆宸
翰。琴書道趣生。

鑑藏寶璽。淳化軒。淳化軒圖書珍秘寶。乾隆宸翰。
信。天主人。古布天子。八徵耄念之寶。深心託蒙。
素。長春國寶。淳化軒寶。石渠寶笈所藏。

御筆日講春秋解義序

一冊

〔本幅〕灑金牋本。八幅。縱五寸九分。橫七寸四分。行書。

日講春秋解義序。嘗考春秋經文。不過萬有六千三百餘言。自三傳以後。羣儒義疏。累數千萬言。而微辭隱義之難明者。猶十有六七。蓋是經乃孔子所手定也。辭約而義深。聖心之所運用。每舉一事。其義必貫於全經。非若他經一章

一節各指一事。雖有不通。而不害其可通者。故程朱二子。深探力索。久之皆見為難明而止。至明初。胡氏安國之說。遂獨列于學官。以朱子深病是經之難通。而教門人姑從胡氏之說也。然謂其以義理穿鑿。則非義理之真。而於聖人筆削之旨。未能脗合。明矣。故自明以來。雖著功令。科舉之士。稟為程式。而終不足以服學者之心。我

聖祖仁皇帝。聰明天亶。自少時即篤好經書。及躬攬大政。辨色出視朝。裁決萬幾甫畢。即

召儒臣講論經義。務抉其根源。參伍羣言。以求至當。經筵所進。日講四書。及尚書周易解義。皆裁自聖心。以為無憾者。故即時刊布。及晚年。以明初五經大全。收採討論。尚未精詳。口授指畫。成周易折衷一書。詩書春秋。則

命重臣開館編次。而

親釐定之。惟三禮體大。未議纂修。蓋有待也。周易折衷。成于康熙五十四年。春秋傳說彙纂。成于六十年。已經頒布。餘二經。則至我

皇考繼序之後。始次第告成。

皇考大孝尊親。凡

皇祖一言一動。莫不敬述。以昭示來茲念

欽定春秋。于胡氏之說。既多駁正。則廷臣當日所進講義。一遵胡氏之舊者。於

聖心自多未洽。是以遲之又久。未嘗宣布。必將俟諸經備成。而後重加討論也。故再降

諭旨。命果親王允禮。大學士張廷玉。內閣學士方苞。詳細校訂。始事於雍正七年。恭呈

御覽者再。而後告成。凡六十四卷。乾隆二年。鋟板既訖。諸臣請製序文。頒示海內。朕反覆循覽。於胡氏穿鑿之說。曠若發蒙。筆削之旨。闡明者亦過半焉。夫解義之成。蓋數十年於茲矣。觀

皇祖之久不宣布。可以徵望道。未見之心。觀


皇考之再三考訂而後

命刊。可以知善繼善述之義。豈惟是經之寥寥。將由
是以開通哉。即

兩朝聖人之心。法治法。亦于斯可觀矣。乾隆丁巳
仲春月。御筆。鈐寶三。畫禪室。乾隆。

鑑藏寶璽。淳化軒。淳化軒圖書珍秘寶。乾隆宸翰。
信天主人。古希天子。八徵耄念之寶。游六藝圃。

長春園寶。淳化軒寶。石渠寶笈所藏。



御筆南苑春曉詩 一卷

本幅粉牋本。縱八寸三分。橫三尺三寸。行書。
離宮奏饒吹。古樹咲幽禽。其鳴雖不同。物物皆
春音。披衣曉氣清。義府堪玩尋。豈以豫遊故。而
弛乾惕心。朝暉上我窓。花檣迅流陰。稽古且匪
且。勤政今斯今。南苑春曉近作。丙寅穀雨後
一日。御筆書於重華宮之長春書屋。鈐寶二。乾
隆。

引首

御筆。寄情間賞。鈐寶一。乾隆宸翰。

鑑藏寶璽。淳化軒。淳化軒圖書珍秘寶。乾隆宸翰。
信天主人。五福五代堂古稀天子寶。八徵耄念
之寶。至味寓澹泊。含英咀華。長春園寶。淳化軒
寶。石渠寶笈所藏。

御筆靜憩軒疊韻詩

一卷

本幅宣德牋本。縱七寸六分。橫二尺四寸四分。章草書。

室是舊書齋。一向此習靜。明道有至訓。動定靜亦定。萬幾值清暇。詎無堪適興。義府有餘樂。琴軒致虛淨。玉版頃閒榻。吟几仍晚凭。會心皆可叅。玩物斯為病。明牕駒影過。誰識流陰競。昔以忘天倪。今以觀物性。題靜憩軒。疊舊作韻。丙

寅閏月。御筆。鈐寶二。游六藝圃。乾隆宸翰。

引首

御筆。欣於所遇。鈐寶一。乾隆宸翰。

鑑藏寶璽。淳化軒。淳化軒圖書珍秘寶。乾隆宸翰。
信天主人。五福五代堂古稀天子寶。八徵耄念
之寶。稽古右文之璽。日監在茲。長春園寶。淳化
軒寶。石渠寶笈所藏。

御筆節臨古帖 一冊

本幅宣紙本。十對幅。每幅縱八寸八分。橫一尺一寸。

臨鍾繇以下諸家帖二十則。

第一。尚書宣示孫權所求。詔令所報。所以博示。逮於卿佐。必冀良方。出於阿是。夢堯之言。可擇廊廟。況繇始以疏賤。得為前恩。橫所矜睨。公私見異。愛同骨肉。殊遇厚寵。以至今日。

再世榮名。同國休感。敢不自量。竊致愚慮。仍
日達晨。坐以待旦。歎。

仿宣示表。鍾繇。鈴寶三。叢雲。涵虛朗鑒。宸翰。

第二。上清紫霞虛皇前。太上大道玉宸君。閑
居紫珠作七言。散化五形變萬神。是為黃庭
內景經。琴心三疊舞胎仙。九氣映明出霄間。
神蓋童子生紫烟。是曰玉書可精所詠之。萬
過升三天。上有魂靈下闕元。左為少陽右太

陰。後有密戶。前生門。出日入月。呼吸存歟。
仿內景經。楊義鈴寶一。莊敬日強。

第三。夫欲極道之量。務以天下為心者。必致
其主於盛隆。合其趣於先王。苟君臣同符。斯
大業定矣。于斯時也。樂生之志。千載一遇也。
亦將行千載一隆之道。豈其局蹟當時。止于
兼并而已哉。夫兼并者。非樂生之所屑。彊燕
而廢道。又非樂生之所求也。歟。

仿樂毅論。王羲之。鈐寶二。履信思順。漱芳潤。

第四。永和九年。歲在癸丑。暮春之初。會於會稽山陰之蘭亭。脩禊事也。羣賢畢至。少長咸集。此地有崇山峻嶺。茂林修竹。又有清流激湍。映帶左右。引以為流觴曲水。列坐其次。雖無絲竹管弦之盛。一觴一詠。亦足以暢叙幽情。是日也。天朗氣清。惠風和暢。仰觀宇宙之大。俯視品類之盛。所以興懷。其致一也。後之視今。亦猶今之視昔。悲夫。故列敘時情。錄其盛會。後之覽之。亦將有感於斯文。王羲之。蘭亭集序。鈐寶一。得佳趣。

第五。左倚采旄。右蔭桂旗。攘皓腕於神滄兮。
採湍瀨之玄芝。余情悅其淋美兮。心振蕩而
不怡。無良媒以接歡兮。託微波而通辭。願誠
素之先達兮。解玉佩以要之。嗟佳人之信修
兮。羌習禮而明詩。抗瓊瑋以和予兮。指潛淵
而為期款。

仿洛神賦。王獻之。鈴寶二。務時敏。修辭立誠。

第六。冠山抗殿。絕壑為池。跨水架楹。分巖竦

闕高閣周建。長廊四起。棟宇膠葛。臺榭參差。
仰視則迢遞百尋。下臨則崢嶸千仞。珠壁交
映。金碧相暉。照灼雲霞。蔽虧日月。觀其移山
迴澗。大景流金。無鬱蒸之氣。歟。

仿九成宮。歐陽詢。鈴寶一。墨雲。

第七。余其文情乃典而不野。麗而有則。猶八
音之並奏。等五色以相宣。道行則約正。見於
三空。松羣生於八苦。既學博而心下。亦守中。

而調高。實釋種之樑棟。天人之羽儀者矣。加以振乏扶危。先人後己。重風光之拂照。林嶺愛山水之負載。烟霞願力是融。晦迹肥遯。款仿破邪論。虞世南。鈴寶二。中和。成性存存。

第八。昔之三河徙植。九畹移根。開花建始之殿。落實睢陽之園。聲含嶰谷。曲抱雲門。將鵲集鳳。比翼巢鴛。臨風亭而唳鶴。對月峽而吟猿。乃有拳曲擁腫。盤塲反覆。節豎山連。文橫

水。麀。熊。彪。頤。盼。魚。龍。起。伏。歎。

仿。枯。樹。賦。褚。遂。良。鈴。寶。一。研。露。

第。九。勇。懷。貞。敏。早。悟。三。空。之。心。長。契。神。情。先。
苞。四。忍。之。行。松。風。水。月。未。足。比。其。清。華。仙。露。
明。珠。詎。能。方。其。朗。潤。故。以。智。通。無。累。神。測。未。
形。超。六。塵。而。迥。出。隻。千。古。而。無。對。凝。心。內。境。
悲。正。法。之。陵。遲。栖。慮。元。門。慨。深。丈。之。訛。謬。歎。
仿。聖。教。序。懷。仁。鈴。寶。一。秀。色。入。窓。虛。

第十。稟元和之粹靈。膺期運而傑出。含強厚
下。正真率先。起化而德感生人。竭忠而精貫
白日。和衆必資于寬簡。安人務在于撫柔。武
藝絕倫。英謀沉秘。所向而前。無強敵。日新而
學有緝熙。是以殿天子之邦。鬱蒼生之望。款
仿八闕。齋顏真卿。鈴寶二。禮園書圃。以人為鑒。
第十一。婆娑十畝。映蔚千人。密幄足以綴飛
颺。高蓋足以却流景。惡禽翔而不集。好鳥止

而不巢。有以多矣。然深識者雖徘徊仰止。而
莫知冥植。博物者雖沉吟稱引。而莫辨嘉名。
華葉自奇。榮枯嘗異。隨所方面。頗徵靈應。款
仿娑羅樹碑。李邕。鈴寶一。忘機心宇曠。

第十二。暮春之始。楔于南澗之濱。高嶺千尋。
長湖萬頃。乃藉芳草。鑑清流。覽卉物。觀魚鳥。
其類同榮。資生咸暢。於是和以醇醪。齊以達
觀。快然兀矣。焉復覺鵬鷗二物哉。原詩人之

致興諒詠歌之有由。文多不載。大畧如此。款
仿蘭亭後序。陸東之。鈴寶。一。日。監在茲。

第十三。典掌王言。潤色鴻業。必資純懿之行。
以彰課最之績。久更其職。用得其才。朝議郎
行尚書司勳。負外郎知制誥。朱巨川。學綜墳
史。文含風雅。貞廉可以勵俗。通敏可以成務。
自司綸綍。屢變星霜。酌而不竭。時謂無外。款
仿巨川告。徐浩。鈴寶。二。朝日輝。人情為田。

第十四。聖上至德光被。睿謀廣運。提大象以
祐生人。躬無為以風天下。三台淳曜。百辟承
寧。動必有成。舉無遺策。年和俗厚。千載一時。
而猶搜擇茂異。網羅俊逸。野罄蘭芳。林殫松
秀。盡在於周行矣。歟。

仿郎官石記。張旭。鈴寶一。雲霞思。

第十五。當是時。朝廷方削平區夏。縛吳幹蜀。
渚蔡蕩郢。而天子端拱無事。詔和尚率縉屬。

迎真骨於靈山。開法場於秘殿。為人請福。親
奉香燈。既而兵不煩刑。不黷赤子。無愁聲。若
海無驚浪。蓋參用真宗以毘輔德政之明効
也。歟。

仿安國寺塔。柳公權。鈴寶一。水月兩澂明。

第十六。是以君子知形恃神以立。神須形以
存。悟生理之易失。知一過之害生。故脩性以
保神。安心以全身。愛憎不栖于情。憂喜不留

於意泊然無感而體氣和平。又呼吸吐納服食養身使形神相親表裏俱濟也。夫田種者一畝十斛謂之良田。此天下之通稱也。歟。仿養生論。蘇軾鈴寶一。慎修思永。

第十七。九陌黃塵烏帽底。五湖春水白鷗前。扁舟不為鱸魚去。收取聲名四十年。甓社湖中有明月。淮南草木借光輝。故應剖蚌登王室。不若行沙弄夕霏。桃李無言一弄風。

黃麗唯見綠匆匆。人言九事八為律。僅有江
船吾欲東。歎。

仿九陌帖。黃庭堅。鈴寶一。虛衷激照。

第十八。方唐牧之至盛。有天骨之超俊。勒四
十萬之數。而隨方以分色焉。此馬居其中以
為鎮。目星角以電發。蹄挽踣以風迅。鬐龍顯
而孤起。耳鳳聳以雙凌。翠華建而出步。閭闔
下而輕噴。低驚羣而不嘶。橫秋風以獨韻。若

夫躍溪舒急。冒絮征叛。歎。

仿天馬賦。米芾。鈴寶二。樂天。典學勤政。

第十九。近者伏承移鎮并門。寄倚固重。相在私庭。迎侍非便。襄留京四年。出入省闥。不為不久。何嘗不以裨國致君為念。才薄智窮。無助萬一。奉親還家。庶幾伸人子之志耳。已蒙朝恩。遂請尚遷職名方。歎。

仿京府帖。蔡襄。鈴寶一。浴德。

第二十。其為狀也。散漫交錯。紛緼蕭索。諶諶
浮浮。漣漣奕奕。聯翩飛灑。徘徊委積。始緣瓦
而冒棟。終開簾而入隙。初便娟于堂廡。未縈
盈于衽席。既因方而為珪。亦遇圓而成璧。眇
隰則萬頃同縞。瞻山則千巖俱白。歟。

仿雪賦。趙孟頫。鈴寶一。千潭印月。乾隆丙寅
秋八月。重華宮御筆。鈴寶三。幾暇臨池。乾隆。

鑑藏寶璽。五福五代堂古稀天子寶。八徵耄念之。

寶長春園寶。淳化軒寶。石渠寶笈所藏。

御筆隆福寺行宮六景詩 一卷

本幅宣德牋本。縱七寸六分。橫二尺六寸五分。行書。

隆福寺行宮六景。翠雲山房。林巒積翠。蔚
為行雲。朝飛暮凝。在我几牖。山噓氣為雲。而山
以雲為潤。昌黎雜說中。龍以雲靈。妙合斯旨。
底事名山無定容。夕陰朝晦變千峰。霑衣常帶
濛濛雨。作蓋還依落落松。夢入楚王春一枕。詩

成張尉酒千鍾。谷神當令豐隆讓。不信昌黎善
說龍。翠微室。山鄰田盟高。僅及其半。隨意
點綴。殊引人入勝。因取爾雅語名吾室。劉禹錫
云。山不在高。良然。巖腰卜築。綠雲圍絕勝。江
樓坐翠微。視聽之娛。足以極沖容而靜于焉歸。
天倪道筦。參元要木。疏禽經辨是非。疑有廣成
丹鼎跡。幾回翹首盼林扉。碧巘丹楓。山中
雜樹。蒨蒨而楓居多。秋晴經霜。朱紫絢爛。與青

山白雲相映。荆關得意筆。殆難為工。錦樹經
秋設色工。絕非畫裏碧。兮紅。頻教絢爛雲霞上。
却在尋常指顧中。愛聽鳴琴聲。迴別。每看過鹿
友相同。朝嵐夕靄。山容幻。妙悟隨時。景不窮。
天半舫。依巖為樓。極目無際。杜詩云。春水船
如天上坐。未若此橫出雲表。真泛虛舟矣。虛
舟何處不堪。等。雲水由來總一家。興到真教輕
杜句。眼空直擬泛張槎。幾羣鸞鶴隨吟管。四面

芙蓉入絳紗。佳處會心原不遠。高眠風月棹烟霞。挹霞捉月。東山初吐。流光入帷。開軒招之。冉冉欲下。挹流霞與同賞。結契獨深。橫陳西嶺。據崇臺。不設窓櫺。面面開。寫霧出楹。招便止。高山得月。喚應來。聊因曠朗。堪成伴。詎為淋漓共舉杯。識得住行原一貫。幽情暢叙。幾徘徊。翼然亭。出西軒。面橫嶺。亭中設便坐。近納嵐翠。遠延野綠。彷彿香山來青景色。峰有飛

來亭豈無天然踞此不南圖。藉松為幙陰偏秀。
倚石成章興迴殊。茶鼎烟飛雲半野。棋枰聲雜
瀑千珠。寄言縱目搜吟客。莫認琅邪巖畔途。
乾隆丁卯二月望。御筆。鈐寶四。研露。乾隆。幾暇
臨池。

引首

御筆。悟衷散賞。鈐寶一。乾隆宸翰。

鑑藏寶璽。淳化軒。淳化軒圖書珍秘寶。乾隆宸翰。

信天主人。五福五代堂寶。八徵耄念之寶。讀書
依竹靜。漱芳潤。長春園寶。淳化軒寶。石渠寶笈
所藏。

御筆興安絡緯圖 一卷

〔本幅〕金粟牋本。縱八寸。橫一尺六寸。水墨畫
草一枝。上停絡緯。并題。

依稀果羸負螟蛉。塞草霏黃尚作青。可惜徐黃
曾未覩。為傳蠕動補蟲經。莎坂蒼烟動股鳴。
雲間天澹磧垣清。若教賦質渝關裏。答響流黃
更覺情。跂跂脉脉露華枝。欲上寒英意轉遲。
大小畧殊年益畫。風流渾脫惠連詩。何必花

棚草舍尋。一番畫取更長吟。閒聽靜想評形似。
檀室清宵冷偏衾。興安絡緯。至小而色綠。率
筆圖之。兼題以句。乾隆丁卯秋八月。御筆。鈴寶。
二。乾隆附蔣溥梁詩正和章。

客同水畔小蜻蛉。蠕息秋英雨翅青。正是滿
天涼露意。宵移清漏補圖經。草根露浥動淒
鳴。塞外風光爾許清。彷彿江南涼夜聽。聲聲
相和。搥衣情。

天豪隨意寫幽枝。那似徐熙點墨遲。洗盡鉛華生
趣足。蟲經更補四章詩。漫比黃花蚊蝶尋。寒

仙韻。蟹唧唧動秋吟。一從
天還落。永夕
。貴擁
。會
。臣
。蔣溥
。恭和。
鈴印

一。臣溥。露草依。栖伴。蟾蛸。馬蹄。蹴。度。超。深。青。興。安。小。
 種。曾。傳。說。前。度。秋。風。眼。始。經。早。警。涼。秋。唧。唧。
 鳴。風。晨。雨。夕。助。淒。清。兒。童。捉。取。偏。籠。貯。水。飲。
 瓜。餐。寂。有。情。凌。寒。蟠。動。上。花。枝。寫。入。
 仙。毫。秋。意。遲。為。補。幽。風。圖。未。備。七。言。新。製。塞。原。詩。
 鄉。思。千。里。香。難。尋。行。帳。寒。聽。蟋。蟀。吟。識。取。
 至。人。詩。畫。意。要。憐。征。士。薄。宵。食。臣。梁。詩。正。恭。和。鈴。
 印。二。臣。梁。詩。正。補。拙。莫。如。勤。

引首

御筆。塞秋寄興。鈴寶一。乾隆御筆。

鑑藏寶璽。淳化軒。淳化軒圖書珍秘寶。乾隆宸翰。

信天主人。五福五代堂。古稀天子寶。八徵耄念
之寶。秀色入牕虛。雲霞思長春園寶。淳化軒寶。
石渠寶笈所藏。

御筆浴佛日三疊韻詩 一卷

〔本幅〕宣紙本。縱八寸二分。橫三尺八寸五分。
行書。

九龍噴水梵函傳。疑似今思信有焉。已看黍苗
霑沃若。更欣椒壁慶居然。人情靜驗咸和豫。

天意欽承倍惕乾。額手但知豐足瑞。願祈歲歲結為

緣。

浴佛日有
結緣之俗。

庶纖夜雨枕邊傳。

天眷常承獨厚焉。饒有對時增惕若。那無撫節慶油

然。晬。盟。嘉。祉。徵。圖。錄。佛。鉢。良。因。自。竺。乾。恰。憶。去。
年。得。句。日。果。然。歲。歲。結。為。緣。得。失。紛。如。塞。馬。
傳。藉。無。喜。者。豈。憂。焉。都。來。兩。歲。光。陰。耳。恰。似。一。
番。夢。幻。然。詎。意。瓜。沈。連。及。蔓。實。傷。坤。衍。祇。餘。乾。
從。今。更。不。題。新。句。便。看。將。來。作。麼。緣。

先。皇。后。自。端。慧。皇。太。子。薨。後。至。丙。寅。始。舉。皇。第。七。
子。是。日。適。遇。佛。誕。再。沛。甘。霖。喜。而。有。作。丁。卯。遇。
晬。因。疊。前。韻。不。意。除。夕。有。悼。殤。之。戚。及。屆。今。年。

佛誕則后喪又將匝月矣。感昔撫時。迴腸欲絕。
再疊舊韻。並錄前吟。悠悠天路。知同此痛耳。
乾隆戊辰清和月。御筆。鈐寶三。乾隆御書。

引首

御筆。以寫我憂。鈐寶一。乾隆御筆。

鑑藏寶璽。淳化軒。淳化軒圖書珍秘寶。乾隆宸翰。
信天主人。五福五代堂寶。八徵耄念之寶。繪月。
有色水有聲。落紙雲烟長。春園寶。淳化軒寶。石。

渠寶笈所藏

御臨趙孟頫書嵇康絕交書一卷

本幅宋牋本。縱七寸六分。橫二尺一寸一分。
行書。

臨趙孟頫行書絕交書縮本。嵇叔夜與山巨源
絕交書。康白。足下昔稱吾於潁川。吾嘗謂
之知言。然徑怪此意尚未熟悉于足下。何從
便得之也。前年從河東還。顯宗阿都說足下
議以吾自代。事雖不行。知足下故不知之。足

下傍通。多可而少怪。吾直性狹中。多所不堪。偶與足下相知耳。間聞足下遷。惕然不喜。恐足下羞庖人之獨割。引尸祝以自助。手薦鸞刀。漫之羶腥。故具為足下陳其可否。吾昔讀書得并介之人。或謂無之。今乃信其真有耳。性有所不堪。真不可強。今空語同知有達人。無所不堪。外不殊俗。而內不失正。與一世同其波流。而悔吝不生耳。老子莊周。吾之師也。

親居賤職。柳下惠東方朔。達人也。安乎卑位。
吾豈敢短之哉。又仲尼無愛。不羞執鞭。子文
無欲鄉相。而三登令尹。是乃君子思濟物之
意也。所謂達能無善而不渝。窮則自得而無
悶。以此觀之。故堯舜之君世。許由之巖棲。子
房之佐漢。接輿之行歌。其揆一也。仰瞻數君。
可謂能遂其志者也。故君子百行。殊塗而同
致。循性而動。各附所安。故有處朝廷而不出。

入山林而不反之論。且延陵高子臧之風。長卿慕相如之節。志氣所託。不可奪也。吾每讀尚子平臺孝威傳。慨然慕之。想其為人。少加孤露。母兄見驕。不涉經學。性復踈嬾。筋驚肉緩。頭面常一月十五日不洗。不大悶癢。不能沐也。每常小便而忍不起。令胞中略轉乃起耳。又縱逸來久。情意傲散。簡與禮相背。嬾與慢相成。而為儕類見寬。不攻其過。又讀莊老。

重增其放。故使榮進之心日頽。任實之情轉
篤。此由禽鹿少見馴育。則服從教制。長而見
羈。則狂顧頓縷。赴蹈湯火。雖飾以金鏤。饗以
嘉肴。愈思長林而志在豐草也。阮嗣宗口不
論人過。吾每師之。而未能及。至性過人。與物
無傷。唯飲酒過差耳。至為禮法之士所繩。疾
之如讐。幸賴大將軍保持之耳。吾不如嗣宗
之賢。而有慢弛之闕。又不識人情。闇於機宜。

無萬石之慎。而有好畫之累。久與事接。疲勞
日興。雖欲無患。其可得乎。又人倫有禮。朝廷
有法。自惟至熟。有必不堪者七。甚不可者二。
卧喜晚起。而當關呼之不置。一不堪也。抱琴
行吟。弋釣草野。而吏卒守之。不得妄動。二不
堪也。危坐一時。痺不得搖。性復多蟲。把搔不
已。而當裛以章服。揖拜上官。三不堪也。素不
便書。不喜作書。而人間多事。堆案盈几。不相

酬答則犯教傷義。欲自勉強則不能久。四不堪也。不喜弔喪。而人道以此為重。已為未見恕者所怨。至欲見中傷者。雖瞿然自責。然性不可化。欲降心順俗。則詭故不情。亦終不能獲無咎無譽。如此五不堪也。不喜俗人。而當與之共事。或賓客盈坐。鳴聲聒耳。囂塵臭處。千變百技。在人目前。六不堪也。心不耐煩。而官事鞅掌。機務纏其心。世故繁其慮。七不堪

也。又每非湯武而薄周孔。在人間不止此事。會顯世教所不容。此甚不可一也。剛腸疾惡。輕肆直言。遇事便發。此甚不可二也。以促中。小心之性。統此九患。不有外難。當有內病。寧可久處人間耶。又聞道士遺言。餌朮黃精。令人久壽。意甚信之。游山澤。觀魚鳥。心甚樂之。一行作吏。此事便廢。安能舍其所樂而從其所懼哉。夫人之相知。貴識其天性。因而濟之。

禹不偪伯成子高。全其節也。仲尼不假。蓋於
子夏。護其短也。近諸葛孔明。不偪元直。以入
蜀。華子魚。不强幼安。以卿相。此可謂能相終
始。真相知者也。足下見直木。必不可以為輪。
曲者。必不可以為桷。蓋不欲以枉其天材。令
得其所也。故四民有業。各以得志為樂。唯達
者。為能通之。此足下度內耳。不可自見好章
甫。强越人以文冕也。已嗜臭腐。養鴛雛以死。

鼠也。吾頃學養生之術。方外榮華。去滋味。游
心於寂寞。以無為為貴。縱無九患。尚不願足。
下所好者。又有心悶疾。頃轉增篤。私意自試。
不能堪其所不樂。自卜已審。若道盡塗窮。則
已耳。足下無事。寬之。令轉於溝壑也。吾新失
母兄之歡。意常悽切。女年十三。男年八歲。未
及成人。况復多病。顧此悵悵。如何可言。今但
願守陋巷。教養子孫。時與親舊叙闊。陳說平。

生濁酒一盃。彈琴一曲。志願畢矣。足下若騁
之不置。不過欲為官得人。以益時用耳。足下
猶知吾潦倒巖踈。不切事情。自惟亦皆不如
今日之賢能也。若以俗人皆喜榮華。獨能離
之。以此為快。此最近之可得言耳。然使長才
廣度。無所不淹。而能不營。乃可貴耳。若吾多
病困。欲離事自全。以保餘年。此真所乏耳。豈
可見黃門而稱貞哉。若趣欲共登王塗。期於

相致時為權益。一旦迫之。必發其狂疾。自非
重怨。不至於此也。野人有快炙背而美芹子
者。欲獻之至尊。雖有區區之意。亦已疏矣。願
足下勿似之。其意如此。既以解足下。并以為
別。嵇康白。延祐六年九月望日。吳興趙孟
頌書。

吳興書是卷。筆法直追右軍。今偶得宋牋。臨為
縮本。未審與玉枕蘭亭何似耳。乾隆己巳仲冬。

御識。鈐寶三。比德。朗潤。含輝。

引首

御筆。吳興遺槩。鈐寶一。乾隆宸翰。

鑑藏寶璽。淳化軒。淳化軒圖書珍秘寶。乾隆宸翰。
信天主人。五福五代堂古稀天子寶。八徵耄念
之寶。深心託豪素。見天心。烟雲舒卷。乾隆御書。
長春園寶。淳化軒寶。石渠寶笈所藏。

御筆畫墨梅

一軸

本幅宣德牋本。縱一尺七寸三分。橫八寸九分。水墨畫折枝梅花款。

辛未仲春南巡。船窓偶作。鈴寶五。乾隆几席有餘香。琴書道趣生。筆花春雨。

鑑藏寶璽五。福五代堂古稀天子寶。八徵耄念之寶。石渠寶笈所藏。

御筆哨鹿賦一卷

〔本幅〕金粟牋本。縱七寸二分。橫一丈三尺七寸五分。行書。

哨鹿賦。

見養心殿所藏御筆前後哨鹿賦卷。

此已巳秋舊作

也。壬申秋八月既杪。行獮塞外。凌晨命哨。宛憶前遊。虎帳餘閒。輒擬董香光書體。重錄一過。御筆。鈐寶二。惟精惟一。乾隆宸翰。

引首

御筆。時蒐餘典。鈐寶一。乾隆宸翰。

鑑藏寶璽。淳化軒。淳化軒圖書珍秘寶。乾隆宸翰。
信天主人。五福五代堂古稀天子寶。八徵耄念
之寶。體仁。即事多所欣。長春園寶。淳化軒寶。石
渠寶笈所藏。

御筆夜亮木賦 一卷

本幅金粟牋本。縱七寸一分。橫九尺六寸五分。行書。

夜亮木賦。

養心殿所藏
御筆夜亮木賦冊

塞外有夜亮之木。於古未之嘗聞。

皇祖始為之賦。乾隆壬申秋八月。駐避暑山莊。勅幾多暇。念彼枯朽。伏處僻遠。而自耀於光明。因託蘓子之辭。命筆賦之。并倣東坡書法。錄成此卷。

御筆。鈐寶二。烟雲舒卷。乾隆宸翰。

引言

御筆。希風玉局。鈐寶一。乾隆宸翰。

鑑藏寶璽。淳化軒。淳化軒圖書珍秘寶。乾隆宸翰。
信天主人。五福五代堂寶。八徵耄念之寶。書史
研求。遵古訓。扇以淳風。長春園寶。淳化軒寶。石
渠寶笈所藏。

御書千字文 一卷

本幅宣德牋本。縱七寸六分。橫六尺八寸四

分。行書千字文。

見 乾清宮所藏 陳淳書千字文卷款。

乾隆甲戌孟春。三希堂御筆。鈐寶四。意在筆先。乾隆宸翰。得象外意。游六藝圃。

引首

御筆。方圓規矩。鈐寶一。乾隆宸翰。

鑑藏寶璽。淳化軒。淳化軒圖書珍秘寶。乾隆宸翰。

信天主人。五福五代堂寶。八徵耄念之寶。保泰
清心抒妙理宸翰。幾暇臨池。長春園寶。淳化軒
寶。石渠寶笈所藏。

御筆節臨名帖

卷一

本幅宋牋七方。

臨諸家帖第一。縱四寸九分。橫二寸五分。草書。得袁二謝書。具為慰。袁生暫至都。已還未。此生至到之懷。吾所也。歎。

臨羲之鈴寶二。乾隆第二。縱一寸八分。橫二寸七分。草書。今送梨三百。晚雪殊不能佳。歎。

臨獻之鈴寶一。幾暇怡情。第三。縱一寸七分。橫

三寸九分。楷書。晝寢乍興。朝飢正甚。忽蒙簡翰。猥賜盤飧。當一葉報秋之初。乃並花逞味之始。助其肥羴。實謂珍羞。充腹之餘。銘肌載切。謹修狀陳謝。伏惟鑒察。欽。

臨楊凝式。第四。縱二寸。橫三寸。行書。道源無事。只今可能枉顧。吸茶否。有少事。須至面。白。孟堅。必已安好也。紙上。鈐寶二。會心不遠。德充符。第五。縱一寸六分。橫二寸。草書。花氣薰人。

欲破禪。心情其實過中年。春來詩思何所似。
八節灘頭上水船。款。

臨山谷。鈴寶一。三希堂第六。縱一寸六分。橫三
寸七分。行書。李白時效唐小李將軍。為著色
泉石雲物。草木花竹。皆絕妙動人。而人物秀
發。各肖其形。自有林下風味。無一點塵埃氣。
不為凡筆也。款。

米芾書西園雅集記。全用褚法。節臨並識。鈴寶

一。清玩第七。縱二寸五分。橫三寸三分。行書。
襄啓。暑熱不及通謁。所苦想已平復。日夕風
日酷煩。無處可避。人生羶鎖如此。可嘆。可嘆。
精茶數片。不具。襄上。款。

宋楮致不易得。徑寸皆弗忍棄。隨大小臨昔賢
書。舊集成此。以志雅尚。甲戌清和月下浣之八
日。御筆。鈴寶三。太玉。古香。徵觀。

引首

御筆。墨池積玉。鈐寶一。乾隆宸翰。

鑑藏寶璽。淳化軒。淳化軒圖書珍秘寶。乾隆宸翰。
信天主人。五福五代堂寶。八徵耄念之寶。涵虛
朗鑑。研露如水如鏡。叢雲筆端造化。潑墨。長春
園寶。淳化軒寶。石渠寶笈所藏。

御筆塞圍控馬圖 一卷

本幅金粟牋本。縱八寸。橫一尺七寸八分。水墨畫。圍人左右各控一馬。并題。

一馬奪繮。一馬蹏。左牽右控。齊伏之處。以從容力有餘。安慮驚。曼與介倪。羈綫鞍勒。旋可施。一馳萬里。惟風追。牧兒能事。蓋若斯。指不勝屈。名紀誰。王良孟賁。徒稱其幸哉。說項人人知。甲戌東巡塞上所見。即事成詠。並寫其意。八月朔。

之二日。御筆。鈐寶一。思無邪。

引首

御筆。御當如此。鈐寶一。乾隆御筆。

鑑藏寶璽。淳化軒。淳化軒圖書珍秘寶。乾隆宸翰。
信天主人。五福五代堂古稀天子寶。八徵耄念
之寶。意在筆先。即事多所欣。得大自在。莊敬日
強。長春園寶。淳化軒寶。石渠寶笈所藏。

御筆北鎮廟古松圖 一卷

〔本幅〕金粟牋本。縱八寸一分。橫一尺七寸。水墨畫生枯松一。并題。

鎮廟門西似蓋松。半存枯幹半籠蔥。凝神如見
抱朴子。圖貌慙非陳所翁。立下忽疑晴與晦。現
前可悟色兮空。何當六月其根坐。讀疏乞聽謖
謖風。甲戌東巡親祀。

北鎮禮成周覽廟中。有古松已枯其半。嵯岈如鐵。

石東幹鬱然蒼翠。竒致夭矯。因立樹下。寫為此圖。並題一律。九月廿四日。御筆。鈐寶二。寫生。乾隆宸翰。

引首

御筆。山宗蔚翠。鈐寶一。乾隆宸翰。

鑑藏寶璽。淳化軒。淳化軒圖書珍秘寶。乾隆宸翰。信天主人。五福五代堂寶。八徵耄念之寶。鑑古含味經籍。天地為師。長春園寶。淳化軒寶。石渠

寶笈所藏。

御筆畫梅蘭一卷

本幅宣紙本。縱六寸八分。橫一尺二寸八分。
水墨畫梅枝蘭朶各一款。

甲戌冬戲寫。鈴寶一。乾隆宸翰。

引首

御筆。林谷雙清。鈴寶一。乾隆宸翰。

鑑藏寶璽。淳化軒。淳化軒圖書珍秘寶。乾隆宸翰。
信天主人。五福五代堂古稀天子寶。八徵耄念。

之寶。如水如鏡。水月兩澈明。留金經訓。筆花春
雨。研露長春園寶。淳化軒寶。石渠寶笈所藏。

御筆春牧半聲圖 一軸

〔本幅〕金粟牋本。縱一尺七寸四分。橫九寸一分。水墨畫春林淺草。散犢仰鳴。款。

丙子長夏。戲寫於池上居。鈐寶四。乾隆意在筆先。摘藻為春。

鑒藏寶璽。五福五代堂古稀天子寶。八徵耄念之寶。長春園寶。淳化軒寶。石渠寶笈所藏。

御筆畫水仙 一軸

本幅金粟牋本。縱一尺七寸。橫八寸二分。水墨畫盆中水仙。款。

丁丑春月。鄧尉別室案頭見此。輒為寫生。鈴寶
三。乾隆烟雲舒卷。

鑑藏寶璽。五福五代堂古稀天子寶。八徵耄念之
寶。長春園寶。淳化軒寶。石渠寶笈所藏。

御筆漢光武論

一冊

〔本幅〕金牋本。四對幅。每幅縱四寸六分。橫三寸三分。行書。

漢光武論。世之論光武者。率無間言。而多不足其尚圖識一事者。此亦責賢惟備之意乎。然猶有未盡之旨焉。余故叙而論之。蓋世治聽於人。世亂聽於神。惡治而喜亂。豈人之情也哉。苟繫桑而不謹。將復隍之可虞。起伏循環。一消

一息。至於人厭流離。天思反德。必挺生睿哲。為人神主。然而飈迴霧塞之秋。草創蓂擾之際。一辰未居。衆志不齊。非有神道設教。其何以服天下哉。且光武之興也。宛人倡復起之謠。西門有當為之讖。既因集事。難廢半塗。是以身歷艱險。手定太平。大業爰濟。明慎綜攬。三大政之措施。雖高祖亦將遜其精到焉。而顧以信讖一節。吹求慙德。不亦失善善之意耶。夫盤庚成王。殷周

之令主也。其遷殷而誥衆則曰卜稽。東征而誓
師則曰龜命。龜卜雖較圖讖為正矣。然使衆志
一而奉命謹則亦曷藉之哉。是則光武之為其
亦如斯而已矣。若夫稱聖經而罪桓譚則又不
無過甚云爾。乾隆丁丑御筆鈐寶三。乾隆涵
虛朗鑑。

鑑藏寶璽。淳化軒。淳化軒圖書珍秘寶。乾隆宸翰。
信天主人。古希天子。八徵耄念之寶。長春園寶。

淳化軒寶石渠寶笈所藏

御筆歎夷齊松賦 一卷

本幅宣德牋本縱八寸三分橫二尺一寸一分行書

歎夷齊松賦

見重華宮所藏御筆夷齊松圖軸

乾隆己卯秋

九月御製并書鈴寶三研露乾隆

引首

御筆。寓言齊物。鈴寶一。乾隆御筆。

鑑藏寶璽淳化軒淳化軒圖書珍秘寶。乾隆宸翰。

信天主人。五福五代堂寶。八徵耄念之寶。觀書
為樂妙意。寫清快。長春園寶。淳化軒寶。石渠寶
笈所藏。

御筆畫回城三果一卷

本幅宣紙本。縱八寸。橫二尺六寸。水墨畫石榴一枝。木瓜一盆。各三實。蘋果二。皆回部土貢。并題。

大宛天馬早歌徠。果品惟三致自回。張協金牙斯漏賦。牂牁蒟醬此殊開。詎曾燕趙移根往。且共瓊琚包貢來。慎德何須却食物。兢兢敢誦版章恢。葉爾奇木驛貢石榴蘋果木瓜三種詩。

以紀事。新正幾暇。點筆繪圖。即書頓首。乾隆庚辰御筆。鈐寶二。乾隆。

引首

御筆。庭實西來。鈐寶一。乾隆御筆。

鑑藏寶璽。淳化軒。淳化軒圖書珍秘寶。乾隆宸翰。信天主人。五福五代堂古稀天子寶。八徵耄念之寶。幾暇臨池。聊以觀生意。見天心。游六藝圖。落紙雲烟。長春園寶。淳化軒寶。石渠寶笈所藏。

御筆上巳日凱宴八章一卷

本幅宣德牋本。縱八寸一分。橫二尺五寸四分。行書。

出勞嘉勲。戴禮旋昇平。凱宴液池堦。闡疆掃逆
誠資衆助。順成功。總賴

天策績。林林恩予厚。詢勞一一命。來前寧惟云不重
生望。祇覺迴思越悚然。日麗風和春未深。獎
庸備禮有壬林。試看偃伯靈臺上。詎數流觴曲

水滸命預綺筵排伯克也陳夷樂奏任禁笑聆
蜀技無情者那覺西悲動乃心圓幕高張榆
柳垂犒筵喜值襖脩時榮勲舍爵竟今日營武
書常允不期誰擬浯溪泐崖頌我歌靈夏出車
詩紫光將畫凌烟像穆棣同叨

乾貺貽成功將士錦衣旋日月光輝軍氣纓藉戎
虎臣典宿衛笑他杯酒解兵權八旗子弟心如
石萬禩國朝龍荷

天宣看瘡痂猶未愈。能無一體恫癢連。柳舒花放

正良辰。上日前期福履申。卸甲張弓盡鳬藻。四
晴豐額集魚鱗。千秋難遇太平宴。百戰歸來義
勇身。獨憶儲胥宣力者。凱迴未見惜斯人。敦
瓜蒸栗允堪憐。二萬何期竟拓邊。遠愧周王興
六月。遲過殷帝克三年。依楊霏雪凡經幾。立幟
登孤盡陷堅。此日征夫真邇止。皇州春滿七條
絃。拔達山人獻馘歸。三軍飲至謁晴暉。勞心

幸我紆宵旰。公道憑伊論是非。紫綺朱提頌渥澤。前歌後舞迂鴻禧。歡來憶不同來者。勞爵手持淚暗揮。芳節延禧淑氣清。禊歌聲是凱歌聲。元戎允合躬承袞。勇校均教手賜觥。藉衆力茲疆地戒。勅予心永奉。

天行從來悟得受招理。虔鞏流謙慎捧盈。庚辰上巳日。凱宴成功諸將士於西苑。得詩八首。御筆鈐寶三。乾隆宸翰。惟精惟一。正有同春。

引首

御筆。 禊辰樂凱。 鈐寶一。 乾隆宸翰。

鑑藏寶璽。 淳化軒。 淳化軒圖書珍秘寶。 乾隆宸翰。
信天主人。 五福五代堂古稀天子寶。 八徵耄念
之寶。 經史笥。 得象外意。 長春園寶。 淳化軒寶石
渠寶笈所藏。



御筆宮殿四銘一卷

〔本幅〕粉牋本。縱七寸八分。橫一尺二寸七分。
行書。

宮殿四銘

頤

宮殿者所以受之

祖考傳之子孫。建極撫辰。以治四海。且鴻稱煌煌。頤
名思義。常恐羞之。其視盤盂。几杖。日用之物。不
綦重乎。因讀韓愈五箴有警。倣其體為四銘焉。
大哉至健。純粹而精。昭昭成象。蕩蕩難名。四

德壇用六位時乘靜專動直資始大生我

祖我

考奉是丹楹五福敷錫萬國咸寧敢恃崇居惴惴矜

矜益慎體乾惟皇永清

右乾清宮銘

萬物致養是曰

厚坤安貞廣大配

天惟元昔在

盛京

清寧正寢建極熙鴻貞符義審思媚嗣徽松茂竹苞

神因時。惘執承酌。匏廣博無疆。黃中正位。以繼以繩。

惟曰欲至於萬世。

右神寧宮銘

四德何以首元。四時

何以首春。仁者人也。要莫大於親親。刑寡妻。以
至兄弟。民同胞。而物吾與。皆由此施。闕痛癢。而
眈眈。然其所包者廣。是以孔子對門人之問。不
同。而莫非由己之所存。人盡宜勉。又何況乎為
君。吾用是居昭仁之殿。怵然惟恐有愧乎斯言。

右昭仁殿銘

仁求全之毀。吉德也。辯之不已。是惑也。不


虞之譽。凶德也。居之不疑。是惑也。知惑不為。直
言其來。知惑而為。諛言其滋。諛滋悔生。直來其
事。宜已而辯。汝奚為善。宜疑而居。汝惑奚祛。屏
乎營乎。其思德之所弘乎。右弘德
長至日御筆。鈐寶四。奉三無私。惟精惟一。乾隆。

引首

御筆。戶牖同箴。鈐寶一。乾隆宸翰。

鑑藏寶璽。淳化軒。淳化軒圖書珍秘寶。乾隆宸翰。

信天主人。五福五代堂古稀天子寶。八徵耄念
之寶。衆花勝處松千尺。潑墨。長春園寶。淳化軒
寶。石渠寶笈所藏。



御筆古泮池證疑 一卷

本幅粉牋本。縱一尺二寸三分。橫二尺四分。
行書。

古泮池證疑。甚矣讀書之忌麤疎浮過。不沈
潛深造。博綜詳考。執一為是。譬為禾者。鹵莽耕
而鹵莽穫。確乎其弗可也。今之泮池。非古之泮
池歟。而子丙子過此。曾有詩聞之。徒以新城舊
城之說橫於中。遂以為新城不應有古池耳。丁

丑再過闕焉未證其疑茲南巡迴蹕復駐曲阜
廣核諸書及詢之孔氏家乘乃知古魯城即今
曲阜其可證者以史記孔子葬魯城北泗上也
水經注所引亦與脗合輿志稱今之曲阜為新
城者蓋因宋大中祥符間移築城於東十里許
明正德間因流寇兵燹仍徙還魯古址而築新
城焉夫以明視宋固為新而不知以宋視古為
尤新也是以統志諸書錯出者悉可按訂乃知

今之曲阜縣治實即古之魯城也。古魯城既不
舛。則古泮池之與靈光舊址其不出此城章章
明矣。至若南北步武之數。偶爾差乖。大者同而
小者異。稽古者可以折中。而弗羅縷究也。予實
悔夫前詩之率爾置論。不足為據也。甚矣讀書
之忌麤疎浮過。不沈潛深造。博綜詳考。執一為
是。譬為禾者。鹵莽耕而鹵莽穫。確乎其弗可也。
壬午孟夏月。御筆。鈐寶二。所寶惟賢。乾隆御

筆

〔引首〕

御筆 湖源思樂 鈐寶 乾隆御筆

鑒藏寶璽 五福五代堂古稀天子寶 八徵耄念之
寶 意在筆先 入眼秋光盡是詩 長春園寶 淳化
軒寶 石渠寶笈所藏

御筆無邊風月之閣三章一軸

〔本幅〕宣德牋本。縱二尺三寸九分。橫一尺三寸八分。行書。

御製無邊風月之閣詩。

大塊噫氣名為風。振拂草綠與花紅。吾則何敢披稱雄。有時望雲懼吹去。佇立亦厭飄蓬蓬。

四時皆宜。惟有月。滌蕩精神瑩肌骨。近水樓臺益清越。箕疇設以卿士占。萬目渴賢念無竭。

耳得目遇真無邊。清風明月太古年。細故記憶
非高賢。杜陵竭爾效其體。吟弄於我何有焉。
效杜子美體。並以題為韻。癸未孟冬月中。澣御
題。鈐寶三。乾隆契理在寸心。

鑑藏寶璽。長春園寶。淳化軒寶。石渠寶笈所藏。

御筆荆山橋記 一卷

本幅宣德牋本。縱一尺二寸五分。橫三尺六寸五分。行書。

荆山橋記。乾隆丙寅。允尹繼善之請。重脩荆山橋。越明年丁卯。橋成。而未有記。丁丑壬午。忽忽兩過之。各有詩記。梗概然亦未悉其肯綮。為之記也。去年甲申。用崔應階議。濬微湖下游。乃復疎剔荆山。以資宣洩。茲自韓莊遵陸。往徐閱。

河長橋所必經。兼欲洞燭源委。因憑輿歷覽。過北山口。不一里許。則建橋之北梁。兩旁麥田。齊橋頂。漸南田漸低。見跨橋有隄。高亦與橋欄齊。以為南岸矣。至隄始知為所除沙土積以成者。實北隄也。其內方為正河。果深濬露石。橋中間十九洞。未全過水。夏秋盛漲。頗足容。河南之隄之梁之田。以次低。高與北同。乃愕而吁曰。有是哉。橋之所以長。圖容水也。今束其中間為河而

兩垂之餘出者。棄之隄外。豈資容納之計乎。然
南北之田。以次漸高者。多與橋面齊平。實亦無
藉其橋之長如許也。則有詩曰。橋建苟非虛。河
疏功乃捐。二者必居一於此矣。因考張玉書為
邑人。張膽作重脩橋記。引周禮雨畢治道水洴
成梁云云。乃知此地故為沮洳之鄉。橋之築。一
所以醜巨浸。一所以避泥潦。疊石為路。虞不固。
故甃以石耳。然舊橋長三百六十丈。已屬過甚。

而重脩者。乃至四百八十丈。是甚而又甚矣。舊橋所費財二萬六千餘金。今所增之石梁。長未至一倍。而所費乃至五萬八千餘金。是倍而又倍矣。以是詢之尹繼善。則稱承脩者為張宏運。後以張家馬路工。侵帑治罪。然督察之未詳。自不能辭其責。因思近有詠桃源耕者句云。斌豈欺予者。蓋受人欺蔽。非斌為然。尹繼善即其次矣。然屢受人欺。朕亦豈能以觀過知仁自解哉。

傳云。與其有聚斂之臣。寧有盜臣。此朕本意也。茲盜臣以他事抵罪。則天網原未漏。而既往不咎。今亦仍置之弗門。但記其詳。悉如此。使後之復脩是橋者。不更張大其事。冒帑干咎而已耳。雖然。天下大矣。萬幾煩矣。必待目擊而後知其當否。一人之聰明。其與幾何。可不畏哉。可不勗哉。乙酉暮春月下澣。御筆。鈐寶二。得象外意。

乾隆宸翰

引首

御筆。濟川責實。鈐寶。一。乾隆御筆。

鑑藏寶璽。五福五代堂古稀天子寶。八徵耄念之
寶。化工四氣為全施。入眼秋光盡是詩。長春園
寶。淳化軒寶。石渠寶笈所藏。

御筆平定準噶爾告成太學及勒銘四碑一卷

〔本幅〕粉牋本。縱一尺一寸四分。橫九尺九寸。
行書。

平定準噶爾告成太學碑文。連矣山戎薰粥。
旃裘毳幕之人。界以龍沙。畜其駢畜。雖無恒業。
厥有分部。蓋自元黃剖判。萬物芸生。東夷西夷。
各依其地。謬舉淳維。未為理據。皇古莫紀。其見
之書史者。自周宣太原之伐。秦成亘海之築。莫

不畏其侵軼。猾夏是虞。自時厥後。一二奮發之
君。慨然思挫其鋒而納之宥。然事不中機。材不
副用。加以地遠無定處。故嘗勞衆費材。十損一
得。搢紳之儒守和親。命胄之士言征伐。征伐則
民力竭。和親則國威喪。於是有守在四夷。羈縻
不絕。地不可耕。民不可臣之言興矣。然此以論
漢唐宋明之中夏。而非謂我皇清之中夏也。皇
清荷

天之龍興東海撫華區有元之裔久屬版章歲朝貢
從征狩執後惟謹準噶爾厄魯特者本有元之
臣僕叛出據西海終明世為邊患至噶爾丹而
稍強吞噬鄰蕃闢入北塞我

皇祖三臨朔漠用大破其師元惡伏冥誅脅從遠避
跡毋俾遺種於我喀爾喀厥姪策妄阿拉布坦
收其遺孽僅保伊犁故嘗索俘取地無敢不共
逮夫部落滋聚乃以計襲哈密入西藏準夷之

勢於是而復張

兩朝命將問罪。雖屢獲捷。而庚戌之役。逆子噶爾丹策凌。能用其父舊人。乘我師怠。掠畜於巴里坤。擄營於和卜。於是而準夷之勢大張。然地既險遠。主客異焉。此勞往而無利。彼亦如之。故額爾德尼招之。敗彼。亦以彼貪利而深入也。

皇考謂我武既揚。不可以既。允其請。紀以息我衆子。小子敬奉。

先志。無越思焉。既而噶爾丹策凌死。子策妄多爾濟
那木扎爾暴殘。喇嘛達爾扎篡奪之。達瓦齊又
篡奪喇嘛達爾扎。而酗酒虐下尤甚焉。癸酉冬
都爾伯特台吉策凌等率數萬人來歸。越明年
秋。輝特台吉阿睦爾撒納和碩特台吉班珠爾
又率數萬人來歸。朕謂來者不可以不撫。而撫
之莫若因其地其俗而善循之。且毋令滋方來
之患於我喀爾喀也。於是議進兩路之師。問彼

罪魁。安我新附。凡運餉籌馭。長行利戰之事。悉
備議之。始熟經於庚戌之艱者。咸懼蹈轍。為大
學士忠勇公傳恒。見與朕同。而新附諸台吉。則
求之甚力。朕謂犁庭掃穴。即不敢必然。喀爾喀
之地。必不可以久居。若而人。毋寧用其鋒而觀
厥成。即不如志。亦非所悔也。故凡

禡旗命將之典。槩未舉行。亦云偏師嘗試為之耳。
塞上用兵。必以秋。而阿睦爾撒納。禡木特請以

春月欲乘彼馬未肥則不能遊朕謂其言良當
遂從之北路以二月丙辰西路以二月己巳各
起行哈密瀚海向無雨今春乃大雨咸以為時
雨之師入賊境凡所過之鄂拓克搗羊酒糗糒
迎恐後五月乙亥至伊犁亦如之達瓦齊於格
登山麓結營以待兵近萬我兩將軍議以兵取
則傷彼必衆彼衆皆我衆多傷非所以體上慈
也丁亥遣阿玉錫等二十五人夜斫營覘賊向

賊兵大潰相蹂躪死者不可勝數。來降者七千餘。我二十五人。無一人受傷者。達瓦齊以百餘騎竄。六月庚戌。回人阿奇木霍集斯伯克執達瓦齊來獻軍門。準噶爾平。是役也。定議不過二人。籌事不過一年。兵行不過五月。無亡矢遺鏃之費。大勲以集遐康以定。豈人力哉。

天也。然

天垂佑而授之事機。設不奉行之。以致坐失者多矣。

可與樂成。不可與謀始。亦謂蚩蚩之衆云爾。豈其卿大夫之謂。既克集事。則又曰。苟知其易。將勸為之。夫明於事後者。必將昧於幾先。朕用是寒心。且準噶爾一小部落耳。一二有能為之長。而其樹也固焉。一二暴失德之長。而其亡也忽焉。朕用是知懼。武成而勒碑文廟。例也。禮臣以為請。故據實事書之。其辭曰。茫茫伊犁。大幹之西。匪今伊昔。化外羈縻。條支之東。大宛以南。

隨畜獵獸。蟻聚狼貪。乃世其惡。乃恃其遠。或激
我攻。而乘我緩。其計在斯。其長可窮。止戈靖邊。
化日薰風。不侵不距。不來其那。款關求市。亦不
禁訶。始慕希珍。終居奇貨。吏喜無事。遷就斯慢。
漸不可長。我豈懼其。豈如宋明。和市之為。既知
其然。飭我邊吏。弗縱弗嚴。示之節制。不仁之守。
再世斯斬。寡奪相仍。飄忽荏苒。風沙華而煎華。
披忱集泮。飛鶚食黠。懷音錫之爵位。榮以華裾。

膝前函請。願効前驅。兵分兩路。雪甲霜鋒。先導
中堅。如鼉錯攻。益以後勁。蒙古舊屬。八旗子弟。
其心允篤。二月卜吉。牙旗飄颻。我騎斯騰。無待
折膠。泉涌於磧。無出於路。我衆歡躍。謂有

天助。匪啻我衆。新附亦云。黃髮耄覩。水草富春。烏魯
木齊。波羅塔拉。台吉宰桑。紛紛款納。牽其肥羊。
及馬潼酒。獻其屠者。合掌雙手。予有前諭。所禁
侵陵。以茶交易。大愉衆情。衆情既愉。求者日繼。

蠢達瓦齊擁兵自衛依山據淖惟旦夕延有近
萬人其心十千勇不目逃掄二十五曰阿玉錫
率往賊所銜枚夜襲直入其郭揮戈拍馬大聲
疾呼彼人既離我志斯合突將無前縱橫鞚鞞
紫角塵堦隴種東麓自相狼藉孰敢櫻鋒狐竄
鼠逃將往異域回部遮之兇渠斯得露布既至
告

廟受俘凡此歲功荷

天之衢。在古周宣。二年乙亥。淮夷是平。常武詩載。越我

皇祖。征鳴爾丹。命將

禡旗。亦乙亥年。既符歲德。允協師貞。兵不血刃。漠無王庭。昔時準夷。弗恭弗諛。今隨師行。為師僕尉。昔時準夷。日蹙夜征。今也偃卧。知樂人生。曰匪準夷。曰我臣僕。自今伊始。安爾游牧。爾牧爾耕。爾長孫子。曰無向非。豈有今是。

兩朝志竟。億載基成。側席不遑。保泰持盈。

平定準噶爾勒銘伊犁之碑。惟

天盡所覆。俾我皇清。罔不在宥。惟清奉
昊天。撫薄海兆庶。悉主悉臣。

太祖

太宗

世祖肇基宅中。皇者其武。

聖祖

世宗。覲光揚烈。克臻郅隆。逮予藐躬。思日孜孜。期四海同風。咨汝準噶爾。亦蒙古同類。何自外攜。數世梗化。篡奪相仍。碩仇其下。厥達瓦齊。甚毒於醢。衆心底底。如苗斯蠹。如虺斯螫。衆口嗷嗷。視爾嗷止。予焦勞止。期救不崇。朝止。視爾底止。予噫嘻止。亟出汝塗泥止。廼命新附。爾為先鋒。熟悉其路。廼命勁旅。攜數月糧。毋或掠擄。師行時雨。王旅嗶嗶。亦無潦阻。左旋右抽。王旅渾渾。既

暇以休。烏魯木齊及五集賽度之折折台吉宰
桑迎降。恐後。奚事。斧吭。波羅塔拉。闐爾奇頻。險
如闕闔。倒戈反攻。達瓦齊走。旦夕塗窮。回部遮
獲。彼鼠斯嚙。地入無隙。露布飛至。受俘午門。爰
貸其罪。自今伊始。四部我臣。伊犁我宰。曰緙羅
斯。及都爾伯特。和碩特。輝特。封四可汗。衆建王
公。游牧各安。宰桑公臣。屬我旗籍。誰汝苦辛。爾
恭爾長。爾尊爾幼。徐以教養。爾駝爾牛。爾羊爾

馬畜牧優游。分疆各守。毋相侵陵。以干大咎。齊
禦外域。曰布魯特。越哈薩克。醉酒飽食。敬興黃
教。福自天錫。伊犁平矣。勒貞珉矣。於萬斯年矣。
平定準噶爾勒銘格登山之碑。格登之崔嵬。
賊固其壘。我師堂堂。其固自摧。格登之巖巖。賊
營其穴。我師泚泚。其營若綴。師行如流。度伊犁
川。粵有前導。為我具船。渡河八日。遂抵格登。面
淖背巖。藉一昏冥。曰擣厥虛。曰殲厥旅。豈不易

易將韜我武。將韜我武。詎曰養寇。曰有後謀。大
功近就。彼衆我臣。已有成辭。火炎崑岡。懼乖皇
慈。三巴圖魯。二十二卒。夜斫賊營。萬衆股栗。人
各一心。孰為汝守。汝頑不靈。尚竄以走。汝竄以
走。誰其納之。縛獻軍門。追悔其遲。於恒有言。曰
殺寧育。受俘赦之。光我擴度。漢置都護。唐拜將
軍。費賂勞衆。弗服弗臣。既臣斯恩。既服斯義。勒
銘格登。永詔億世。

平定準噶爾後勒銘伊犁之碑。

天之所培者。人雖傾之。不可殛也。

天之所覆者。人雖裁之。不可殖也。嗟汝準噶爾。何狙詐相延。以世而為賊也。彊食弱。衆凌寡。血人於牙。而蔑知悛易也。云興黃教。敬佛菩薩。其心乃如夜叉羅刹。之以人為食也。故罪深惡極。自作之孽。難逭活也。先是分封四部。衆建宰桑。四圖什墨。廿一昂吉。蓋欲繼絕舉廢。以休以息也。而

何煽亂不已。焦爛為期。終於淪亡。胥盡。伊犁延
袤萬里。寂如無人之域也。是非我佳兵不戢。以
殺為德也。有弗得已耳。西師之什。實紀其詳。悉
也。以其反覆無常。遲益久而害益深。則其叛亂
之速。未嘗非因敗而致福也。是蓋

天佑我皇清。究非人力也。伊犁既歸版章。久安善後
之圖要焉。已定者。詎宜復失也。然屯種萬里之
外。又未可謂計之得也。其潛移默運。惟

上蒼鑒之。予惟奉時相機。今日之下。亦不敢料以逆也。是平定準噶爾後。勒銘伊犁之碑。所由作也。準噶爾既平。立碑大學。以告成事。蓋由款關內附之始。迄乎王師采入。凡所以膺

天貺而孚衆志者。紀之特詳。而伊犁格登二碑。則因地以識犁庭所營之事。及再戡定伊犁。遂有後勒銘之作。西師始末悉聞。茲因彙書之。俾成條貫。然運策決機。順時集事之深衷。實又非子墨

所能宣述云。乙酉清和月御筆。鈴寶五保泰。
惟精惟一。乾隆信天主人。

引首

御筆。定漢銘勲。鈴寶一。乾隆御筆。

鑑藏寶璽。五福五代堂古稀天子寶。八徵耄念之
寶。天地為師。即事多所欣。含味經籍。烟雲舒卷。
見天心。正有同春。用厥中。盥食宵衣。體仁與民
用勤。長春園寶。淳化軒寶。石渠寶笈所藏。

御筆平定回部告成太學及勒銘三碑 一卷

〔本幅〕粉牋本。縱一尺一寸四分。橫七尺四寸五分。行書。

平定回部告成太學碑文。建非常之功者。以舉非常之事。舉非常之事者。以藉非常之人。然亦有不藉非常之人。而舉非常之事。終建非常之功者。則賴

昊蒼篤貺。神運幹旋。事若禍而移福。機以逆而轉順。

順

天者昌。逆

天者亡。故犁準夷之庭。掃回部之穴。五年之間。兩勲並集。始遲疑。猶未敢信。終劼劬。以底有成。荷

天之龍在茲。畏

天之鑒益在茲。爰叙其事如左。達瓦齊之就俘也。伊犁已大定矣。無何而阿睦爾撒納叛。彼其志本欲藉我力以成已事。時也人心未定。佐饜者嘗

一蠱肆狂。萬狙應響。蜂屯蟻襍。不可爬梳。畏難者羣。謂不出所料。準夷終不可取。並有欲棄巴里坤。為退守謀。然予計其衆志不齊。將有歸正倒戈者。於是督策將帥之臣。整師亟進。既而伊犁諸台吉宰桑。果悔過勤王。思討逆賊以自贖。此

天恩助順者一也。二酋大小和卓木者。以回部望族。久為準噶爾所拘於阿巴噶斯鄂拓者也。我師

既定伊犁。乃釋其囚。以兵送大和卓木波羅沈都。歸葉爾奇木。俾統其舊屬。而令小和卓木霍集占居於伊犁。撫其在伊犁衆。回乃小和卓木助阿逆攻勤王之台吉宰桑等。阿逆賴以苟延。及我師再入。阿逆遂逃入哈薩克。而霍集占亦即收其餘衆。竄歸舊穴。此

天恩助順者二也。準夷之事。前紀略見梗槩。茲不復紀。紀興師討徇之由。則以我將軍兆惠在伊犁。

時曾遣副都統阿敏道往。徇議事。小和卓木乃以計誘阿敏道而拘之。及我師抵庫車。問罪。彼携阿敏道以來。援至中途害之。及從行者百人。彼猶逞其狂勃。抗我師顏。且敢冒死入庫車城。乃雅爾哈善略無紀律。致彼出入自由。然我滿洲索倫衆兵士。無不念國家之恩。効疆場之力。故能以少勝衆。逆渠懼而免脫。此

天恩助順者三也。知僨轅之無濟。掄幹材之可任。時

將軍兆惠以搜勦準夷餘黨至布露特部落已
款服其衆因命旋師定回部於是克庫車存沙
雅爾定阿克蘇略烏什收和闐師之所至降者
望風直至葉爾奇木城下而我軍人馬周行萬
有餘里亦猶强弩之末矣二酋以其逸待之力
統數萬人與我三千餘人戰我師之過河者纔
四百餘猶能斬將搴旗退而葉堡黑水固守以
待此

天恩助順者四也。萬里之外。抱水救火。其曷能濟。乃予以去年六月。即降旨。派兵撥馬。欲以更易。久在行間者耳。故兵馬率早在途。一趨進而各爭前。恐後。人人有敵愾之憤。此

天恩助順者五也。副將軍富德。及叅贊舒赫德輩。率師進援。以速行戈。壁中馬力復疲。值狂獬據險坐俟。頗有難進之勢。夫援軍不能進。則固守以待者危矣。而叅贊阿里衮。驅後隊之馬。適至。夜

擣賊營。我師內外夾攻。彼不知我軍凡有幾萬。握炭流湯之徒。自相蹂躪。顧命不暇。於是解黑水之圍。鹿駭虜驚。遁而保窟。我之兩軍合隊全旅以迴阿克蘇。此

天恩助順者六也。既而彼料我必再入。泰山之壓難當。乃於我師未進之先。攜其部落。載其重器。跳而遠去。而葉爾奇木。喀什哈爾。二城之舊伯克等。遂獻城以降。叅贊明瑞一邀之於霍斯庫魯。

克副將軍富德再臨之於阿爾楚爾。於是離心者面內。前途者反旆。二酋惟挈其妻孥及舊僕。僅三百人。入拔達克山境。此。

天恩助順者七也。人跡不通之地。語言不同之國。既已雀毖。寧不狼顧。其受我與否。未可定也。然一聞將軍之檄。莫不援旗請奮。整旅前遮。遂得出。渠函首。露布遙傳。此。

天恩助順者八也。夷考西師之役。非予夙願之圖。何。

則實以國家幅員不為不廣。屬國不為不多。惟
厯守成之志。無希開創之名。兼以承平日久。人
習於逸。既無非常之人。安能舉非常之事。而建
非常之功哉。然而輾轉輻湊。每以艱而獲易。視
若失而反得。故自締始以逮定功。雖予自問。亦
將有所不解其故。而不敢期其必然者。故曰非
人力也。

天也。夫

天如是顯佑國家者以

祖宗之敬

天愛民蒙

眷顧者深也。則我後世子孫其何以心

上蒼之心志

列祖之志。勉繼繩於有永。保丕基於無窮乎。繫以銘

曰。二酋脩德。始亂為賊。是興王師。報怨以直。

伊犁既平。蕞爾奚屑。徐議耕闢。徐議戍設。以噢

以咻伊子本懷。豈其弗戢。圖彼藐狁。彼狁不量。
怒臂當車。戕我王臣。助彼狂狁。始攻庫車。僨輶
敗事。用人弗當。至今為愧。悖逆罪重。我武宜揚。
易將整師。直壓彼疆。阿蘇烏什。玉隴和闐。傳檄
以定。內袒羊率。二酋孽深。知不可活。狼狽相顧。
固守其穴。桓桓我師。周行萬里。馬不進焉。強弩
未矣。以四百人。戰萬餘虜。退猶能守。黑水築堡。
間信達都。為之傷悼。所幸後軍。早行在道。督勅

速援人同怒心。曾不兩月。賊境逼臨。賊境逼臨。彼復徼隙。馬繼以進。賊營夜斫。出其不意。賊乃大驚。謂自天降。孰敢鋒撓。大鞬大膊。如虎搏兔。案角隴種。誰敢迴顧。黑水圍解。合軍暫旋。整旅三路。期並進焉。賊偵軍威。信不可支。挈其妻孥。遁投所依。所依亦回。豈不自謀。豈伊庇猿。而受林憂。利厥輜重。無遺盡掠。遣其都丸。遂來獻馘。詎惟獻馘。並以稱臣。捧賫表章。將詣都門。奏凱。

班師前歌後舞。尸逐染鐸。溫禺鬯鼓。露布至都。
正逮初陽。

慈寧稱慶。亞歲迎祥。

郊廟告成。諸典並舉。皇皇太學。豐碑再樹。豐碑再樹。
敢予喜功用不得已。

天眷屢蒙。始之以武。終之以文。戡亂惟義。撫衆惟仁。
布惠施恩。寰宇共喜。古不羈縻。今為臣子。疆圉
二萬。兵出五年。據實書事。永矢乾乾。

平定回部勒銘葉爾奇木之碑。粵稽回始肇

自天方。又名默克。一曰天堂。大食見元。回鶻見
唐。是皆仿髣。所傳弗詳。惟我皇清。撫有華夏。血
氣之倫。均歸陶冶。準夷昔強。冥頑弗下。恃厥險
遠。實梗化者。獫狁其衆。豺狼其羣。以回為羊。役
以耕耘。利其善賈。三倍市欣。拘二酋長。處伊犁
濱。四大回城。輸租獻賦。騰格是供。衛拉是懼。繭
絲奚堪。溝壑已遽。有面內心。其何能訴。準夷既

平羣回見天。謂自今始飽食晏眠。遣厥酋歸。撫
爾土田。生死肉骨。詎疑變遷。詎疑變遷。德竟怨
報。助我叛疆。戕我使輅。是用興師。聲罪致討。乃
敢抗顏。蜩蟬謹譟。既侮厥外。宜安厥內。而何狂
狙心焉。昏憤殺人為戲。奪妻為穢。大失衆心。無
不怨背。三道並發。四甄齊攻。酋知弗支。自擄一
空。廿日之前。駢走無踪。爾雖無踪。我追應窮。滔
滔洸洸。連戰皆克。旦夕苟延。遂入異域。異域畏

懷舉旗助力。腐鼠莫遁。遂來獻誠。二酋既殲。諸
回永靖。設官定賦。去其苛政。昔之諸回。曉戰夜
偵。今恬以嬉。各保性命。昔之諸回。為準夷臣。今
語鄰封曰。天王民曰。天王民。誰汝苦辛。藝爾稷
黍。孳爾子孫。在昔己巳。爰平金川。茲平回部。亦
己卯年。歲符理紀。瑞疊祥駢。持盈保泰。惟懋慎
旃。

平定回部勒銘伊西洱庫爾淖兒之碑。機有

視若失而反得。智者之所勦而愚者之所惑也。事有初若勞而終逸。壯者之所欲而懦者之所怯也。若夫定全回殲二酋。戰無不克。攻無不取。皆二將軍及諸叅贊以及行間衆將士之力也。然予亦有所深慰於其間者。則以五年劼劬宵旰運籌狎至。實未敢偷安於頃刻也。幸我武保定庶因答。

乾
賦
慰

先志。且以免浮議之指斥也。伊西洱庫爾淖兒者。我副將軍富德等窮追二酋。至拔達克山之界。獲其降者萬人。二酋僅以身免。而遣使索俘。遂得獻馘振旅。以成茂勳也。其地倚山臨水。單騎可容。而我突將無前。四甄並發。如入無人之域也。賊衆首尾不能相顧。豎我回纥以招之。降者鋪崖以來。霍集占持刃止之。或且反戈倒戟也。是以二酋見事不成。拔身遠跳。駭突而喙息也。先

是威之於霍斯庫魯克。襲之於阿爾楚爾。無不以少勝衆。批亢擣堅。桓桓之士。真如驅虎豹而逐狸兔。纏頭碩鼻者流。皆怩怩踉踉。見即辟易也。是以先聲異域。駭其跳盪。遮逆助順。用擐重輜而獻兇級也。我兵未深入。拔達克山境者。則以討逆之師。不蹂無罪之地。姑遣使焉。彼或曉逆順。亦將擒獻。是以將帥之臣。審機度時。我武少輯也。卒歲事而告成功。則亦未為計之失也。

回部始末已見於勒銘葉爾奇木之碑。辭不複綴也。特紀者定之在茲。是以誌歲月而刻石也。己卯冬平定回部捷書至京師。既立碑太學以告武成。復勒銘葉爾奇木。伊西洱庫爾淖兒。誌其時地與事。尤為賅備。茲合書成卷。則運籌藏功始末。綱舉目具。而凡所謂

天助順人致力者。亦徵實焉。至葉爾奇木諸地名。製碑時尚在未經考定。作叙概以前仍從舊字云。

乙酉清和御筆。鈐寶二。乾隆。

引首

御筆。拓濛徵信。鈐寶一。乾隆御筆。

鑑藏寶璽五福五代堂古稀天子寶八徵耄念之
寶含英咀華筆花春雨垂露涵養用敬長春園
寶淳化軒寶石渠寶笈所藏。